



Broj: 04-2-1203-12/20
Sarajevo, 26.09.2022.godine

Na osnovu člana 69. stav 3. Zakona o javnim nabavkama BiH ("Službeni glasnik BiH", broj: 39/14 i 59/22), te člana 11., 34. i 35. Statuta JP "Olimpijski bazen Otoka" d.o.o. Sarajevo, direktor Preduzeća donosi:

ODLUKU
o otkazivanju postupka javne nabavke

I

Otkazuje se postupak javne nabavke koji je pokrenut Odlukom broj: 04-2-1203/20 od 28.12.2020.godine za pokretanje Otvorenog za odabir izvođača radova na zatvaranju terase bazena Otoka, tenderska dokumentacija broj: 04-2-1203/20, iz razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

II

Ova Odluka stupa na snagu danom donošenja i objavit će se na web. stranici JP "Olimpijski bazen Otoka" d.o.o. Sarajevo, istovremeno s upućivanjem iste ponuđačima koji su učestvovali u predmetnom postupku javne nabavke, u skladu sa članom 70. stav 6. Zakona o javnim nabavkama.

III

Stavlja se van snage odluka o izboru najpovoljnijeg ponuđača broj: 04-2-1203-11/20 od 17.05.2021. godine.

Obrazloženje

Grad Sarajevo i JP "Olimpijski bazen Otoka" d.o.o. Sarajevo pokrenuli su otvoreni postupak javne nabavke u skladu sa Sporazumom o zajedničkom pokretanju postupka javne nabavke za odabir izvođača na zatvaranju terase bazena Otoka, broj: 01-13-05-5007-2/19 i 02-1-577-8/19

Sažetak obavještenja o nabavci, objavljen je u „Službenom glasniku BiH“ broj: 20/21 od 02.04.2021. godine

Komisija za nabavku, imenovana je Rješenjem broj: 04-2-1203-1/20 od 10.03.2021.godine.

Sa portala Agencije za javne nabavke, tendersku dokumentaciju preuzelo je 36 ponuđača, a ispravku tenderske dokumentacije pružilo je 11 ponuđača.

U određenom roku za dostavljanje ponuda na protokol ugovornog organa zaprimljeno je 5 (pet) ponuda i to: „GTR“ d.o.o. Mostar, „Sela“ d.o.o. Sarajevo, „Mibral“ d.o.o. Sarajevo, „Dinalsa“ d.o.o. Sarajevo i „Almy Gradnja“ d.o.o. Zenica.

Nakon otvaranja ponuda, izvršena je detaljna analiza prispjelih ponuda te je utvrđeno da su svi ponuđači dostavili prihvatljive ponude, odnosno ponude koje ispunjavaju uslove koji su traženi tenderskom dokumentacijom.

Komisija je izvršila računsku kontrolu cijena dostavljenih u ponudi te je utvrdila računске greške u ponadama ponuđača „GTR“ d.o.o. Mostar, „Mibral“ d.o.o. Sarajevo i „Dinalsa“ d.o.o. Sarajevo.

Upućen je pismeni zahtjev ponuđačima „GTR“ d.o.o. Mostar, „Mibral“ d.o.o. Sarajevo i „Dinalsa“ d.o.o. Sarajevo, da daju pismenu suglasnost na ispravku računarske greške. Ponuđači su u određenom roku datom od strane ugovornog organa dostavili pismenu saglasnost na ispravku računске greške.

Komisija je utvrdila cijene prispjelih ponuda prije slanja na e- aukciju i to kako slijedi:

Redni broj:	Naziv ponuđača	Cijena bez PDV-a u KM	Ponuđeni popust
1.	Dinalsa d.o.o Sarajevo	598.366,30	-

2.	„GTR“ d.o.o. Mostar	734.046,01	-
3.	„Sela“ d.o.o. Sarajevo	803.193,77	-
4.	„Mibral“ d.o.o. Sarajevo	987.267,24	5%
5.	„Almy Gradnja“ d.o.o. Zenica	1.000.533,61	-

Obavještenjem o nabavci kao i tenderskom dokumentacijom u ovom postupku nabavke, ugovorni organ je predvidio provođenje **e-aukcije**, putem portala Agencije za javnu nabavku.

Nakon provedene **e-aukcije** te dostavljenog Izvještaja o toku i završetku **e-aukcije** od strane Agencije za javnu nabavku, utvrđena je konačna rang lista ponuđača koji su učestvovali u e-aukciji kako slijedi:

Redni broj:	Naziv ponuđača	IDB/JIB	Konačna cijena u KM bez PDV-a	Rang
1.	Dinalsa d.o.o. Sarajevo	4200426560007	598.366,30*	1.
2.	„GTR“ d.o.o. Mostar	4227184360003	734.046,01*	2.
3.	„Sela“ d.o.o. Sarajevo	4200502250004	803.193,77*	3.
4.	„Mibral“ d.o.o. Sarajevo	4200135830007	987.267,24*	4.
5.	„Almy Gradnja“ d.o.o. Zenica	4218557740007	1.000.533,61*	5.

*Označava cijenu na koju se primjenjuje preferencijalni tretman

Imajući u vidu sve naprijed navedeno, Komisija za javnu nabavku sačinila je zapisnik o pregledu i ocjeni ponuda od 04.05.2021. godine, Preporuku o izboru najpovoljnijeg ponuđača broj: 04-2-1203-10/20 od 05.05.2021. godine i Izvještaj o radu Komisije broj: 04-2-1203-9/20 od 05.05.2021. godine, te na osnovu kriterija najniža cijena, dala preporuku Upravi JP „Olimpijski bazen Otoka“ d.o.o. Sarajevo da se Ugovor o Izvođenju radova na zatvaranju terase bazena Otoka - dodjeli ponuđaču „Dinalsa“ d.o.o. Sarajevo, ul. Huseina Đoze, 71000 Sarajevo, koji je nakon e- aukcije dostavio najnižu ponudenu cijenu u iznosu od 598.366,30 bez uključenog PDV-a.

U postupku po Izvještaju o radu utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljeno 5 (pet) ponuda,
- da je blagovremeno primljeno 5 (pet) ponuda,
- da nije bilo neblagovremeno primljenih ponuda,
- da je ponuda ponuđača pod rednim brojem 4. „Dinalsa“ d.o.o. dostavljena sa čvrstim uvezom, osigurana jamstvenikom i numerisana. Ponuda je potpuna i dostavljena u skladu sa zahtjevima Ugovornog organa i ponuda je sa najnižom cijenom. Ukupno ponuđena cijena za nabavku izvođenja radova na zatvaranju terase bazena Otoka je u iznosu od 598.366,30 KM bez PDV-a.

Odluka o izboru najpovoljnijeg ponuđača broj: 04-2-1203-11/20 donijeta je dana 17.05.2021. godine, i na istu nije uložena žalba. Odabrani ponuđač je dana 24.05.2021. godine dostavio dopunu dokumentacije.

Ugovorni organ, a uzimajući u obzir dešavanja na svjetskoj sceni koja se reflektuju i na državu BiH, u novembru mjesecu 2021. godine, sačinio je Procjenu isplativosti zatvaranja i eksploatacije terase objekta Olimpijskog bazena Otoka, i proveo postupak javne nabavke radi izrade elaborata o procjeni isplativosti zatvaranja i eksploatacije terase objekta Olimpijskog bazena Otoka sa ciljem formiranja fitness centra i teretane. Nakon provedenog postupak najpovoljniji ponuđač Ekonomski institut izradio je i dostavio Elaborat o procjeni isplativosti zatvaranja i eksploatacije terase objekta Olimpijskog bazena Otoka sa ciljem formiranja fitness centra i teretane dana 20.02.2022. godine, u kojem se između ostalog navodi:

„...Nakon provedenog istraživanja tržišnog potencijala, procjene potražnje i analize konkurencije, kao ekonomsko-finansijske analize... navedeno ulaganje neće biti profitabilno, ako se posmatra kao zaseban profitni centar u okviru JP „Olimpijski bazen Otoka“. Nakon provedene analize i procjene visine ukupnih prihoda, troškova i dobiti, zaključeno je da se na godišnjem nivou može očekivati **godišnji gubitak** (u prvoj godini rada), u iznosu od **191.396,00 KM**, obzirom da prihodi neće biti dovoljni da pokriju troškove rada. Pored toga, važno je istaći da realizacija investicije, kako je to predviđeno idejnim rješenjem i izvedbenim projektom, u značajnoj mjeri narušava sigurnost i funkcionalnost postojećeg prostora Bazena...“
Zaključno s navedenim „...ne postoji ekonomsko-finansijska opravdanost realizacije predmetnih ulaganja u zatvaranje terase na sjevernoj strani objekta JP „Olimpijski bazen Otoka“...“

Ugovorni organ, zbog evidentnog porasta cijena izvršio je u mjesecu aprilu 2022. godine nabavku vještačenja predmetnog projekta po vještaku građevinske struke, elektro i mašinske struke, koji su u svojim nalazima procijenili da bi:

- građevinski radovi Projekta koštali **673.373,50 KM (sa PDV-om)**,
 - radovi iz oblasti **elektrotehnike 93.026,70 KM (sa PDV-om)**,
 - i radovi iz oblasti **mašinske struke 352.831,49 KM (sa PDV-om)**,
- što ukupno iznosi **1.119.231,69 KM (sa PDV-om)**, i taj iznos za **419.143,09 KM (sa PDV-om)** premašuje cijenu ponude najpovoljnijeg ponuđača koja je iznosila **700.088,60 KM (sa PDV-om)**.

Ugovorni organ je dana 12.08.2022. godine uputio dopis broj: 02-1-1115/22, odabranom ponuđaču „Dinalsa“ d.o.o. Sarajevo, u kojem ga je pozvao da se, u roku od 5 (pet) dana izjasni da li ostaje pri svojoj ponudi, te ukoliko u ostavljenom roku ne dostavi pismeno izjašnjenje smatrat će se da je odustao od ponude.

Odabrani ponuđač, u ostavljenom roku nije dostavio pismeno izjašnjenje, te se smatra da je odustao od ponude.

Nalazeći utvrđenim da je došlo do promjene tržišnih uvjeta, povećanja cijena na što su ukazali nalazi vještaka, da su planirana sredstva nedovoljna za finansiranje predmetne javne nabavke, a koji razlozi su dokazivi i isti su van kontrole Ugovornog organa i nisu se mogli predvidjeti u vrijeme pokretanja postupka javne nabavke, to Ugovorni organ na osnovu člana 69. stav 3. Zakona o javnim nabavkama BiH („Službeni glasnik BiH“, broj: 39/14 i 59/22) otkazuje postupak javne nabavke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi, putem Ugovornog organa u roku od 10 (deset) dana od dana prijema Odluke.

Pripremio/la:

Kontrolisao/la:

Dostaviti:

- Web stranica Preduzeća
- Ponudači (x5)
- a/a



Avdija Hasanović
direktor